

<><><><><><>

मुख्यमंत्री उमर अब्दुल्ला हों Northern Zonal Council दी फरीदाबाद च होई दी बैठक च हिस्सा लैता। आकाशवाणी जम्मू संवाददाता दी रिपोर्ट मुजब इस मौके मुख्यमंत्री हों मिशन युवा दी जम्मू-कश्मीर च शुरुआत- बकबक सैक्टरें गी मजबूत करने लेई

सरकार दी ध्यान ते प्रदेश च कारोबार आहले माहौल गी बढ़ावा देने दे जत्ने गी उजागर कीता। उने आखेया जे एह कौंसल इक महत्वै आहला मंच ऐ। आपसी साथ-सहयोग बढ़ाने-मुख्य दे विकास बाढ़े च जम्मू-कश्मीर दी वचनबद्धता ते लोकतांत्रिक इदारे प्रति पूरा भरोसा जाहिर करने दा- हाल च होए दे आतंकवादी हमले दा जिक्र करदे होई मुखमंत्रि होरे जोर देइयै आखेया जे आतंकवाद कन्ने पूरी लगड़ेआई कन्ने निबड़ेया जाना लोड़चदा-पर एदे कन्नो-कन्नी उने एह बी आखेया जम्मू-कश्मीर दे लोके पर शक नई कीता जाना लोड़चदा। उने आखेया जम्मू-कश्मीर दे लोक शांति प्रिय लोक न ते विकसित भारत ते विकसित जम्मू-कश्मीर चाहंदे न।

<><><><><><><>

CM -BOCWBB

मुखमंत्रि उमर अब्दुल्ला होर जेड़े इमारतें ते होर दुए निर्माण कम्मै कन्ने जुड़े दे कम्मगारे दे कल्याण सरबन्धी प्रदेश बोर्ड दे अध्यक्ष न- होरे इस स्कीम दे लाभार्थिये लेई 30 करोड़ 14 लख रपे जारी कीते न। एह रकम लाभार्थिये दे खाते च सीद्दे मुंतकिल कीती जाग। आकाशवाणी जम्मू संवाददाता दी रिपोर्ट मुजब एह रकम पंजीकृत कम्मगारे दे बैंक खाते च मुंतकिल करने आस्तै सारे सहायक श्रम आयुक्ते गी दिती गई ऐ। एह रकम शिक्षा सरबन्धी मदद- दिव्यांगता लेई- ब्याह-शादिये लेई जां फही सरबन्धी श्रमिके दे होनहार बच्चे लेई दिती गई ऐ।

<><><><><><><>

## Itoo Women Mgrs

शिक्षा मंत्री स्कीना इतू होरें युनिवर्सिटी कश्मीर च आयोजित त्रै-रोजा राष्ट्रीय कार्यशाला गी सम्बोधित कीता। एदा विशेषार हा उच्च शिक्षा च महिला Managers लेई नेतृत्व प्रोग्राम चुनौतियां- मौकें ते रणनीति। अपने सम्बोधन च इतू होरें आखेया जे इदारें गी किट्ठै रलियै कम्म करना लोड़चदा तां जे महिलायें लेई सम्मानजनक ते सहायता ते सुरक्षा आहला माहौल कायम होई सकै। उनें आखेया जे अज्ज महिला ऐसी भूमिका च आवा करदियां न जेड़ियां पैहले उन्दे लेई नैई मन्नियां जन्दियां हियां- पर महिला सुरक्षित महसूस करी सकन- उन्दे हुनर गी पंछान थोए एदे लेई लोड़चदा माहौल जरूरी ऐ।

<><><><><><>

## NIA Car Blast

राष्ट्रीय जांच एजेंसी एन.आई.ए नै दिल्ली दे लाल किले कश होए दे कार धमाके आहले मामले च शामिल आतंकवादी दे इक होर सहयोगी गी गिरफ्तार कीता ऐ। कश्मीर दे रौहने आहले इस आदमी दा नां जासिर बिलाल वानी ऐ- जिसी श्रीनगर थमां गिरफ्तार कीता गया ऐ। एजेंसी मुजब वानी नै कथित तौरा पर इस आतंकी हमले गी अंजाम देने लेई तकनीकी सहायता प्रदान कीती ही। इस हमले च 13 जनें दी मौत होई गई ही ते 25 दुए घायल होए हे। एन.आई.ए नै खलासा कीता ऐ जे वानी नै धमाके कोला पैहले ड्रोंन च कैंड चाली दे बदलाव कीते ते कन्ने राकेट बनाने दी बी कोशश कीती ही। एन.आई.ए साजश दे पिछे दा पता लाने लेई बक्ख-बक्ख पैहलुएं दी जांच करै करदी ऐ। आतंकवाद रोधी एजेंसी

दियां कैई टीमां- आतंकी हमले च शामिल सब्भनै दी पंछान करने लेई बक्ख-बक्ख राज्यें च तुपाई अभियान ते छापेमारी बी करै करदी ऐ।

<><><><><><>

JKBOSE

जम्मू-कश्मीर दे स्कूली शिक्षा बोर्ड नै 10मीं- 11मीं ते 12मीं जमात दे सलाना Regular 2026 फरवरी-मार्च शैक्षणिक सत्र दे सलाना परीक्षा फार्म ऑनलाईन जमा कराने दी अधिसूचना जारी करी दिती ऐ। आकाशवाणी दे जम्मू संवाददाता नै जानकारी दिती ऐ जे जारी अधिसूचना मुजब जम्मू-डिविजन दे समर ज़ोन दे सब्भै योग्य विद्यार्थी अपना परीक्षा फार्म ऑनलाईन सरिस्ते राएं 19 नवम्बर शा 3 दिसम्बर तगर तय फीस कन्नै जमा कराई सकदे न। एहदे इलावा 4 दिसम्बर शा 11- 12 ते 17 दिसम्बर गी मेदवार लेट फीस देइयै बी अपने फार्म जमा कराई सकदे न। ऊआं बोर्ड नै मुतलका संस्थानें गी तय समें दे अंदर-अंदर Examination फार्म जमा कराने दे निर्देश जारी कीते न।

<><><><><><>

Striped Hyenas

जम्मू Zoo च 3 नमें धारीदार लकड़बगघे गी शामिल कीता ऐ। आकाशवाणी दे जम्मू संवाददाता होरें जानकारी दिती ऐ जे एह त्रैवै लकड़बगघे अज्ज जम्मू पुजगंन ते लोक इनेंगी 20 नवम्बर थमां जम्मू Zoo च दिक्खी सकगंन। इनेंगी केन्द्रीय Zoo प्राधीकरण आसेया मंजूर जानवरें दी संग्रह योजना तैहत दंऊ काले भालुएं दी अदला-बदली मगरा जयपुर दी नाहरगढ़ जैविक उद्यान थमां इत्थे औन्दा जा रदा ऐ। धारीदार लकड़बगघे

ज्यादातर खुशक ते थोड़े खुशक क्षेत्रें च जियां राजस्थान- गुजरात- मध्य-प्रदेश ते महाराष्ट्र  
जनेह इलाकें च पाये जंदे न।

<><><><><><>